

<><><><><><>

एह आकाशवाणी जम्मू ऐ, बड़डलै खबरें च तुंदा सुआगत, पैहले खास-खास खबरें कन्नै में पवन वर्मा।

Headlines

1. प्रधानमंत्री नरेन्द्र मोदी होरें आखेआ जे आपरेशन सिंदूर नै आतंकवाद खलाफ लड़ाई गी परतियै परिभावित कीता ऐ।
2. जम्मू दे सांबा ते पंजाब दे जलंधर च अंतर्राष्ट्रीय बन्ने कश ड्रोन दिक्खे गे, स्थिति सामान्य ऐ।
3. सांबा च ड्रोन गतिविधियां नजरी औने मगरा जम्मू ब्हाई अड्डा इक बारी परतियै बंद करी दित्ता गेआ।
4. भारत ते पाकिस्तान बश्कार डीजीएमओ सतह दी गल्ल कल संजा होई। दवै पक्ख उकसावे आली कारवाई जां हमले आली कारवाई नेई करने आस्तै सैहमत।
5. सरकारै जम्मू कश्मीर दे ओ जिले जेहडे बन्ने कश नेई हैन, उत्थें सारे स्कूल ते काजेल परतियै खोलने दा फैसला कीता ऐ।

<><><><><><>

PM-Address(byte)

प्रधानमंत्री नरेन्द्र मोदी होरें आखेआ ऐ जे आपरेशन सिंदूर भारतीय सशस्त्र बल आस्सेआ चलाया गेआ अभियान छड़ा इक नां गै नेई ऐ सगुआं एह मुख्य दे लोकें दिएं भावनाएं दा प्रतिबिंब ऐ। प्रधानमंत्री होरें आखेआ ऐ जे आपरेशन सिंदूर नै आतंकवाद खलाफ लड़ाई गी परतियै परिभाषित कीता ऐ ते नमां पैमाना तैह कीता ऐ.....बाईट

प्रधानमंत्री होरें आखेआ ऐ जे परमाणु ताकत गी लेइयै असं गी कोई डराई धमकाई नेई सकदा ते नां गै अस इसी बर्दाश्त करगे। उनें आखेआ जे भारत पर जेकर आतंकवाद हमला होग तां फही ओहदा मुंह तोड़ ते बनकदा परता दित्ता जाग। एनें आखेआ जे आतंकवाद ते आतंकवादिएं गी पनाह देने आले ते आतंकवाद गी प्रायोजित करने आले बश्कार कोई फर्क नेई कीता जाग। प्रधानमंत्री होरें सशस्त्र बलें गी दलेरी ते बहादुरी गी नमन कीता

<><><><><><>

Drones Samba

जम्मू दे सांबा जिले दे कन्नै कन्नै गोआंढी राज्य पंजाब दे जलंधर जिले दे बी अंतर्राष्ट्रीय बन्ने उपपर सोमवार चिरे किश घैंटे तगर ड्रोन गतिविधियां दिक्खी गेइयां। हालांके सेना नै आखेआ ऐ जे हालात सामान्य ते नियंत्रण च न ते इस लेई घबराने दी कोई लोड़ नेई ऐ। एहदे थमां पैहले सेना ने आखेआ हा जे ओ सांबा जिले च संदिग्ध ड्रोन कन्नै टकराप करा'दी ऐ। बन्ने पारा ड्रोन गतिविधियां प्रधानमंत्री नरेन्द्र मोदी हुंदे आपरेशन सिंदूर दे राष्ट्र गी पैहले संबोधन दे मगरा ते भारत ते पाकिस्तान दी डीजीएमओ दी बैठक दे किश घैंटे बाद होई ऐ।

<><><><><><>

Jammu Airport

कल रातीं सांबा जिले ते होरने इलाकें च संदिग्ध ड्रोन दिक्खे जाने मगरा कल संजा'लै जम्मू ब्हाई अड्डे थमां डोआरिएं गी इक बारी फही रोकी दित्ता गेआ। आकाशवाणी जम्मू ई संवाददाता दी रिपोर्ट मूजब 32 ब्हाई अड्डें लेई NOTAM वापस लैने मगरा श्रीनगर अंतर्राष्ट्रीय ब्हाई अड्डे उपपर डोआरिएं दा कम्म अज्ज थमां शुरू होई जाग। जम्मू ब्हाई क्षेत्र इक बारी फही अगले निर्देश मिलने तगर बंद रौहग। यात्रिएं दी सुरक्षा गी दिखदे होई इंडीगो नै चिरे रातीं इक ट्रैवल एडवाइसरी जारी कीती, जेहदे च जम्मू थमां औने जाने

आली डोआरिएं गी अज्जै लेई रद्द करी दित्ता गोआ ऐ। एह्दे थमां पैहले 5 दिनें लेई बंद रौहने मगरा कल जम्मू ब्हाई अड्डे थमां डोआरिएं दा कम्म शुरू करी दित्ता गोआ हा ते इंडिगो एयरलाईन थमां डोआरिएं जम्मू ते दिल्ली बश्कार चला'रदियां हियां।

<><><><><><>

Dy CM-Treva Visit(byte)

उपमुख्यमंत्री सुरिंदर चौधरी होरें शहीद राईफलमैन सुनील कुमार हुंदे परोआर प्रति अपनी हमदर्दी जाहर कीती। अपनी ड्यूटी गी अंजाम दिंदे होई राईफलमैन सुनील कुमार शहीद होई गे। उपमुख्यमंत्री होरें अरनिया दे रंगपुर त्रैवा ग्रां दा दौरा लाया ते शहीद दे परोआर कन्नै मलाटी कीती। उनें शहीद गी श्रद्धांजलि भेंअ करदे होई आखेआ जे उंदे इस स्वीच बलिदान गी मुख्य म्हेशां चेता रखोग। उनें भरोसा दोआया जे दुख दी इस घड़ी च सरकार परोआर दे कन्नै खड़ोती दी ऐ। एह्दे मगरा मीडिया कर्मिएं कन्नै गल्ल करदे होई उपमुख्यमंत्री होरें आखेआ.....

<><><><><><>

Rana Poonch Visit

जल शक्ति मंत्री जावेद अहमद राणा होरें जामिया जिया उल उलूम पुंछ दा दौरा लाया ते खित्ते च बन्ने पारा थमां कीती गेदी हाजिया गोलीबारी करी होए दे नुक्सान दा जायजा लैता। मंत्री होरें इस गोलीबारी च कादरी मोहम्मद इकबाल हुंदे मारे जाने गी बड़ी मंदे भागें आली घटना दस्सेआ ते अपना दुख ते बसोस जाहर कीता। इस दरान मंत्री होरें गी पुंछ ते जिया उल उलूम गी पुज्जे दे नुक्सान बारे दस्सेआ गोआ। मंत्री होरें लोकें गी सहायता पजाने लेई इदारें आस्सेआ गैर सरकारी संगठन ते प्रशासन कन्ने रलियै कीते गेदे जतनें दी सराहना कीती।

<><><><><><>

DGMO Talks

भारत ते पाकिस्तान बश्कार कल संजा फौज दी कारवाइएं सरबन्धी महानिदेशकें डीजीएमओ सतह दी गल्लबात होई। इस बारे जारी इक ब्याने च भारतीय सेना नै आखेआ जे गल्लबात दरान इस गल्लै पर बी सैहमति बनी जे दौनें धड़ें दा कोई बी ना ते गोली चलोग ते ना गै इक दुए खलाफ कोई दुश्मनी जां हमले आली कारवाई करोग। एह्दे इलावा दौनें धड़ें बन्ने पर ते अगेत्रिएं चौकिएं पर तैनात अपने सैनिकें दी गिनतरी गी घट्ट करने बारे बी योजनाबद्ध तरीके नै बचार करने पर सैहमति जताई। भारतीय फौज नै आखेआ ऐ जे बन्ने पर हालात कुललाई पाइयै सामान्य बने दे नं।

<><><><><><>

J&K Schools

जम्मू कश्मीर सरकारै जम्मू ते कश्मीर खित्ते दे उनें जिलें दे स्कूलेंगी परतियै खोलने दा फैसला कीता ऐ जेह्ड़े बन्ने कन्ने लगदे इलाकें थमां दूर न। शिक्षा मंत्री सकीना इत्तू होरें सोशल मीडिया पोस्ट एक्स पर एह्दी घोषणा कीती। उनें आखेआ ओ जिले जेह्ड़े बन्ने कन्नै नेई लगदे, उत्थें सारे स्कूल ते कालेज अज्जै थमां खुल्ली जांगन। एह् फैसला हाल च गै बन्ने पारा थमां गोलीबारी दी घटनाएं दे मगरा जमीनी हालात दा व्यापक जायजा लैने मगरा लैता गोआ। एहतियात दे तौर पर बन्ने आले इलाकें कन्नै लगदे शिक्षा इदारें अजें बंद रौहगन।

<><><><><><>

NIT

अंतर्राष्ट्रीय बन्ने ते कब्जा रेखा कश मजूदा हालात गी दिखदे होई राश्ट्री प्रौद्योगिकी संस्थान श्रीनगर नै घोषणा कीती ऐ जे अंडरग्रेजुएट ते पोस्ट ग्रेजुएट दे विद्यार्थिएं लेई ऑनलाइन क्लासां अज्जै थमां शुरू होई जांगन ते एह् क्लासां 6 जून 2025 तगर जारी रौहगन संसीन दे

रजिस्ट्रार होरें आखेआ ऐ जे एह् फैसला बन्ने पार हफ्ते थमां चला'रदे तनोतनी दे मगरा लैता गेआ ऐ की जे इस तनोतनी कारण मते सारे विद्यार्थी अपने घरें गी परतोई गे न।

<><><><><><>

Satish BSF(byte)

ट्रांसपोर्ट मंत्री सतीश शर्मा होरें बीएसएफ फ्रंटियर मुख्यालय जम्मू च शहीद स्मार्क थाहर आयोजित श्रद्धांजलि कार्यक्रम दरान बीएसएफ दे शहीद कर्मिण गी श्रद्धांजलि भेंट कीती। एह् श्रद्धांजलि कार्यक्रम शहीद कांस्टेबल दीपक चिंगाखम होरें गी श्रद्धांजलि देने लेई लगा। 11 मई 2025 गी अपनी ड्यूटी गी अंजाम दिंदे होई उनें अपना सर्वोच्च बलिदान दित्ता। मंत्री होरें शहीद गी श्रद्धांजलि भेंट कीती। एह्दे थमां पैहले सतीश शर्मा होरें शहीद एसआई मोहम्मद इमतेयाज होरें गी बी श्रद्धांजलि भेंट कीती। मीडिया कन्ने गल्ल करदे होई मंत्री होरें आखेआ

<><><><><><>

Read:- Shruti khajuria & Pawan Verma

D.E.O. : Mukesh Gupta

Editor : Kunal Shrivatsa

Skilled : Rajat